

西北史地文獻 第十二卷

中國西北文獻叢書



中國西北文獻叢書·第三輯

西北史地文獻

第十二卷



新學
知
PDG

欽定平定

二

回匪方略

編者 謹題

編者說明

本卷輯錄了清代乾隆年間出版的《欽定平定陝甘新疆回匪方略》，該書反映了清朝政府推行民族壓迫、民族歧視政策，鎮壓回民起義的官方史料。讀者可以通過這些史料，了解和研究當時的歷史情況，便於作出自己正確的結論。

原版本規格 開本三〇三×二〇二毫米
版芯二二〇×一一五七毫米

欽定平定陝甘新疆回匪方略目錄

卷五十六至卷六十

同治二年十一月戊申至三年三月甲寅

卷六十一至卷六十五

同治三年三月乙卯至五月癸丑

卷六十六至卷七十

同治三年五月丁巳至六月戊戌

平定陝甘新疆回匪方略目錄

一

卷七十一至卷七十五

同治三年七月己亥至八月癸未

卷七十六至卷八十

同治三年八月甲申至十月乙亥

卷八十一至卷八十五

同治三年十月戊寅至十一月庚申

卷八十六至卷九十

同治三年十一月乙丑至四年正月壬寅

卷九十一至卷九十五

同治四年正月甲辰至三月辛丑

卷九十六至卷一百

同治四年三月癸卯至五月己亥

卷一百一至卷一百五

同治四年五月癸卯至六月丁酉

平定陝甘新疆回匪方略目錄

二

欽定平定陝甘新疆回匪方略卷五十六 癸亥年

十一月初五日 戊申張集馨奏言據雷正綰咨稱

探聞白吉原之賊被剿窮蹙欲由長武境內徑奔靈臺該提督飭步隊扼紮亭口斷其西路馬隊超出其前迎頭截擊復飭署長武縣知縣孫毓林調集民團以資圍剿該逆果由白吉原西寨南店子一帶狂奔而來兵團四面合圍奮勇

平定回疆方略卷五十六

一

迎擊斃賊甚多隨即進紮長武西關賊匪屬聚於麟遊一隅意圖竄往平涼雷正綰督隊繞出賊前迎頭扼截杜其西竄惟邠州乃該逆熟徑現咨曹克忠移得勝之師從後追躡三面包抄不惟陝境回匪立見肅清即甘省亦無闖入之賊至各該州縣紳民團練自備軍火口糧協同官兵竭力攻剿可否由臣彙案請獎出自

天恩奏入

上命議政王軍機大臣傳諭多隆阿張集馨曰雷正綰曹克忠陶茂林各軍分路剿辦白吉原等處之賊該匪現聚麟遊一隅著多隆阿即飭令該將士等繞出賊前杜其竄往平涼之路所有西南兩路各州縣出力團練即著張集馨加以激勵其實在出力者查明保奏以資鼓勵毋許冒濫

平定回疆方略卷五十六

二

初六日 己酉多隆阿奏言雷正綰攻克拜家河老巢之後將槐圪塔等處逆回次第肅清乾州永壽境內現無賊蹤該提督約會副都統蘇倫保各帶馬步隊伍分路進攻將西南兩原大佛寺等處賊巢盡行平毀擒斬甚多曹克忠一軍攻克百子溝逆壘直抵史家河將該處六十餘里賊巢全行踏平遂乘勝進攻白吉原逆眾拚死

抗拒官軍奮勇直前殺斃悍賊一千餘人生擒逆首李阿渾陳生喜安依幅安景寬董明玉等均於軍前正法立將白吉原攻克邠州全境肅清並據獲賊供稱逆首黑阿渾等已於臨陣殲斃其麟遊之賊現飭曹克忠統帶所部相機進發與雷正綰之軍遙爲聲援以收前後夾擊之效陶茂林一軍將麻子崖老巢踏破所有郡城

平定回疆方略卷五十六

三

東北賊壘亦經官軍先後掃除復分兵圍攻風伯廟等處郡境悍回大半肅集於此該提督指揮諸軍立將各壘一律蕩平臣已飛飭陶茂林乘此聲威進攻汧隴以期迅速赴甘節節掃蕩查陝西回類不下數十萬衆如大荔渭南高陵等處回戶十居其七餘可類推自去冬臣入關以來大小數百戰攻破賊巢數百處所有悍回

殲戮殆盡逃往邠乾之賊不過一二十人亦經

諸軍追剿無遺現在雷正綰一軍已抵靈臺卽

可由此進剿斷不致稍有遲延

多隆阿又奏言甘肅布政使恩麟被人衆奏辦

理回務專事招撫致令回勢鴟張生民塗炭各

節欽奉

諭旨令慶昫會同臣查訪具奏惟念臣在陝剿賊距甘

平定回疆方略卷五十六

四

省數千里之遙不獨無從察訪卽或委員往查亦恐不實不盡現在雷正綰業已馳抵甘境相應請

旨將此案改派該提督會同慶昫就近確查具奏

多隆阿又奏言雷正綰一軍現已馳抵甘境汧

隴廓清之後陶茂林之軍亦可迅速抵甘甘省

得此重兵軍務自當日有起色惟是軍火糧餉

爲行軍要需現在陝西庫款萬分支絀臣所部
兵勇業已欠餉數月援甘諸軍餉項更從何籌
措卽使勉強撥解而相距甚遙亦恐緩不濟急
惟有仰懇

天恩飭令熙麟就近設立糧臺源源轉運無誤師行奏

入

上命議政王軍機大臣傳諭多隆阿雷正綰張集馨曰

平定回疆方略卷五十六

五

曹克忠與雷正綰之軍於邠州長武一帶將白吉原
等處老巢回匪痛加殲戮賊現尙聚麟遊一隅陶茂
林將鳳翔東北賊壘先後掃除復掃盡附村落各
賊巢軍聲殊振多隆阿現飭曹克忠統率所部相機
進搗與雷正綰之軍遙爲聲援可收前後夾擊之效
並飭陶茂林乘勝進攻汧隴以期迅速赴甘會合雷
正綰之軍節節掃蕩所籌均合機宜著卽饒遵昨寄

諭旨飭令各將士務將麟遊等處之賊趕緊殲除淨
盡並須繞出賊前杜賊西竄之路此時陝省回氛漸
戢而餘孽尙多甘省則惡氛一片殊恐鳳隴乾邠等
處被擊之賊紛紛西遁必致聚集愈多剿辦愈形費
手雷正綰現抵靈臺已入甘境陶茂林所部由汧隴
而前卽當聯合一氣前截後追毋令逆氣得以竄入
平涼等處其勢更熾雷正綰等各軍入甘本日業經
寄諭熙麟等卽於甘省設立轉運糧臺以爲接應並
嚴催英桂等將晉省應撥甘軍協餉星速撥解惟甘
省餉源匱絀萬難足恃而晉餉亦解到需時雷正綰
等之軍由陝入甘仍著張集馨由陝省源源籌濟毋
令缺乏致誤軍行前交多隆阿會查恩麟各件嗣復
明降諭旨撤去慶昫專交多隆阿查辦卽著該將軍
於將來到甘後何時可以查辦再行秉公確切查明

平定回疆方略卷五十六

六

辦理

上又命議政王軍機大臣傳諭熙麟英桂恩麟鄭敦謹
曰雷正綰軍已抵甘境陶茂林所部亦將陸續到甘
該二營軍火餉需亟宜寬爲籌備以利攻剿熙麟恩
麟身任甘省大員籌餉濟軍責無旁貸卽著熙麟等
悉心規畫設立轉運糧臺將雷正綰等軍所需糧餉
等項迅籌撥解以資軍食該督等務當於萬難籌措

平定回疆方略卷三十六

七

之中力求設法接濟恩麟前次奏撥山西協餉係指
撥雷正綰軍營之用並著英桂鄭敦謹懷遵前諭於
省庫運庫無論何款先行籌撥銀數萬兩剋期解甘
以濟要需甘省地方彫敝英桂鄭敦謹惟當不分畛
域儘力籌措陸續解赴甘省毋稍延誤

十七日
庚申多隆阿奏言雷正綰一軍已將靈臺

回匪擊敗立解城圍刻下進軍涇州節節掃蕩

臣飛催陶茂林之軍趕緊廓清汧隴轉戰而前

以收夾擊之效並飭曹克忠將麟遊餘孽迅速

掃除進紮岐郿以顧西南門戶奏入

上命議政王軍機大臣傳諭多隆阿曰雷正綰之軍已
由靈臺前進著迅飭陶茂林之軍速清汧隴轉戰而
前與雷正綰會合甘境以厚兵力仍督令曹克忠掃
除麟遊一帶餘匪進紮岐郿毋稍稽滯

平定回疆方略卷三十六

八

多隆阿又奏言臣於去歲馳抵同州東路逆回
屢行乞撫均經隨時批駁追攻克倉頭之後該
逆復行逃竄乞恩臣因其犬羊成性非窮極兵
力未足以懾服其心當卽督軍進攻將高陵克
復所有十三村蘇家溝渭城灣等處賊巢一律
掃蕩該逆多次來營乞降察其辭氣之間已極
恭順其時鳳邠一帶尙多負隅誠恐藉求撫爲

緩兵之計暗相勾結勢成燎原是以未遽允准並嚴飭雷正綰陶茂林曹克忠等軍分道攻勦務使毋留餘孽刻下西北回巢均爲官軍攻破惟汧陽隴州麟遊尙有零星匪徒正在嚴催勦辦聞據陶茂林咨稱該提督搗平鳳郡賊壘連日進兵行抵汧陽交界山口該逆老弱婦女頂香跪地隨有阿渾馬成功等泣懇施恩情願效

平定回疆方略卷五十六

九

力贖罪該提督詢以何故不及早投誠據稟上年王閻村逆回任老五馬生彥起意謀逆逼脅良回致成酷禍及大兵節節勦洗任老五等猶復執迷不悟傳令回衆抗拒官兵違者登時殺斃後見官軍勢大始行逃往固原今得見天日情願革面洗心所有教內壯丁願聽調遣等語臣當派右江鎮總兵慶瑞馳往鳳翔驗明該逆

老弱婦女殘廢十居六七其精壯可備挑選者不過二三千人此股回匪已成釜底遊魂不難聚殲惟該回民等輸誠畏罪若必概予聯誅恐甘肅各處逆回反得以藉口爲固結死守之計何如乘此轉機予以生路簡其精銳帶罪圖功惕之以威懷之以德甘肅被脅之衆勢將歸來恐後其負固不服之徒臨以兵威自有摧枯拉朽之勢蓋痛勦之後該逆勢窮乞撫其心必堅惟事關招撫臣不敢擅專伏求

平定回疆方略卷五十六

十

皇上訓示如蒙

俞允此外各路零匪果有誠心改悔自拔來歸者再由臣設法妥爲安插

多隆阿又奏言自古有必勝之將無必勝之兵誠以兵之強弱端視主將爲轉移將得其人卽

可化弱爲強不得其人且將化強爲弱卽如本年春開省城防兵逾萬只能株守城垣坐視焚殺及臣進省將防城兵勇認真裁汰分立營頭交陶茂林帶赴鳳翔竟能力解城圍所向克捷足見兵隨將轉今甘省兵非不多因統率無人所以不能得力現在雷正綰已抵涇州屢挫賊鋒合無仰懇

手諭嘉慶二十六年

十一

天恩將甘肅所有兵勇統歸該提督調遣必能斟酌緩急迅掃狂氛督臣熙麟亦可專心籌辦軍餉實於西北大局兩有裨益奏入

上命議政王軍機大臣傳諭多隆阿熙麟雷正綰曰陝甘回匪蓄謀倡亂經多隆阿督軍痛加剿洗所有兇悍逆黨業已殲除殆盡現惟汧陽隴州麟遊尙有零星匪徒陶茂林由鳳翔進兵至汧陽交界地方回衆

老弱婦女頂香跪地哭泣求撫該回衆既經畏威悔罪革面洗心願隨官軍剿賊自可寬其一綫予以自新前經疊降諭旨准予良回投誠著多隆阿卽遵奉前旨妥爲辦理並刊刻謄黃徧行曉諭總令其將戕官踞城首惡捆獻其餘一切脅從概行赦宥則回衆可期漸次解散至甘省固原州爲提督駐紮之所踞城者多係叛兵平涼回匪陷城戕官兇惡已甚該大

手諭嘉慶二十六年

十二

臣當飭雷正綰等大伸撻伐以懲兇頑俟匪勢窮蹙後再行分別招撫以期一勞永逸此外陝甘各路零匪果有誠心悔禍自拔來歸者卽由該大臣設法妥爲安插毋稍大意雷正綰已抵甘省涇州地方著卽迅速前進痛掃逆氛所有該省兵勇均著歸雷正綰調遣以一事權甘肅省垣緊要經理需人熙麟俟道路稍通卽應前赴省城現在省東一帶回匪已有雷

正綰督軍勦辦熙麟著俟雷正綰進抵平涼後卽酌度情形馳赴蘭州整頓吏治並辦理河州狄道等處防勦事宜其雷正綰軍營糧臺卽由熙麟督飭所屬辦理設法接濟毋令缺乏

二十一日甲子熙麟奏言據靈州花馬池州同鄭

春林等稟報十月二十四日靈州回匪竄擾附近之橫柳溝旋據探報甯夏府城於二十四日

平定回疆方略卷五十六

十三

黎明經城內回民與城外賊匪裏外夾攻登時失陷所屬之靈州城亦於二十五日相繼失守兩城文武均不知下落傳聞此股賊首係陝西投賊之武進士王錫爵經官軍擊散竄匿靈州所屬之金積堡勾串疊次僞爲投誠之馬化澂率其黨羽兩日之內頓陷州郡二城臣查回性反復無常本難輕信金積堡之馬化澂居心叵

測早有風聞惟臣駐軍慶郡因平涼失守賊勢

猖獗密邇涇州而涇州爲入甘門戶所有調到

兵勇爲數無多悉令布紮該州併力防守而於

甯夏靈州一帶實有鞭長莫及之勢刻已飛札

延綏鎮選派得力馬步官兵五百名兼程馳往

花馬池扼要駐紮以防該匪竄擾陝西之靖安

定三邊地方查陝省回匪老巢疊經雷正綰攻

平定回疆方略卷五十六

十四

破逆氛將次肅清所有曹克忠陶茂林二軍雖

經奏報來甘現仍駐軍陝省未與雷正綰同來

而甘肅賊勢披猖若不分路堵剿專恃雷正綰

一軍直前攻擊賊必盡力西奔甘省情形有不

堪設想者合無仰懇

天恩飭令多隆阿迅催該二軍兼程到甘與雷正綰分

頭堵剿庶免該逆到處蔓延

熙麟又奏言十月二十日余萬明親帶馬勇二百名往崇信探路遇賊接仗因兵單未能獲勝嗣經各營分隊接應鏖戰一日小有斬擒槍斃賊目一名訊據獲賊供稱槍斃賊目即係木三現在尚未查明二十一日曹克忠攻破白集老巢敗匪成羣結隊西竄平涼嗣據雷正綰來咨已於十一月初四日督帶隊伍馳抵涇州查

平涼縣志卷之六

十五

是日正值平涼賊匪鉅萬分道並進四面攻撲州城經各營分股迎剿勢甚危急適雷正綰大軍趕到立將賊匪擊退刻下涇州附近十里之內已無賊蹤

熙麟又奏言前奉

諭旨雷正綰援甘之師所需糧餉等項令卽設法接濟

臣查甘肅民貧地瘠素鮮蓋藏加以回匪蹂躪

之餘居民逃散賦稅錢糧無可徵收刻下大兵雲集既不能屯兵待食又不能枵腹荷戈儼因糧缺致有意外之虞彼時卽重治臣罪亦於事無裨伏查雷正綰在陝之時一切餉糈無不取之於渭河南北自分兵來甘該省支應頓減惟有籲懇

天恩飭下署陝西撫臣張集馨迅將雷正綰各營糧餉

平涼縣志卷之六

十六

照舊供支由甘省設立轉運局源源接濟庶免譁潰之憂奏入

上命議政王軍機大臣傳諭多隆阿熙麟雷正綰張集馨曰甯夏府城內回民與城外賊匪勾結內外交訐於十月二十四日失陷靈州城亦於次日相繼失守該回逆等好亂性成非痛加剿洗不足以淨根株此股賊首係陝西投賊之武進士王錫爵經官軍擊敗

竄匪靈州之金積堡勾串迭次偽爲投誠之馬化澂率其黨與兩日之內頓陷州郡兩城實堪痛恨前據恩麟奏馬化澂在署臬司楊炳銓行營投誠此次又復鼓衆煽亂連陷二城可見恩麟前次辦理草率難保非遷就了事粉飾入奏著恩麟速飭毗連甯靈各州縣文武督率兵勇鼓勵鄉團嚴扼要隘以防該匪紛竄並飭派出之延綏鎮兵五百名迅赴花馬池駐

平定回疆剿擒逆裔方略卷六

七

紮嚴扼該匪竄陝之路張集馨前已調延綏鎮兵一千名前赴定邊著卽飭令統帶之遊擊慶連與花馬池防兵互相聯絡以壯聲援並著多隆阿雷正綰遵奉前旨於涇州防兵內酌撥數營馳赴定邊協力防剿毋稍大意此時甘省逆氛偏地雷正綰軍營兵力尙單所有陶茂林曹克忠兩軍卽著多隆阿迅催前進馳往甘省助剿毋許稍事逗留平涼賊匪攻撲涇

州經雷正綰督兵擊退並解靈臺縣城圍正可乘此聲威進克平涼以次收復固原其甯靈鹽茶廳等處逆匪怙惡不悛均須次第剿洗不可輕率議撫致貽後患甘省地瘠民貧軍餉無可籌撥亦係實在情形所有雷正綰等各營兵餉仍著張集馨設法籌解不得藉詞推諉恩麟亦當安設糧臺隨時轉運並設法接濟以補陝餉之不足投賊之武進士王錫爵是否

平定回疆剿擒逆裔方略卷六

六

回人並著恩麟查奏

二十二日_{乙丑}候補四品京堂李雲麟奏言鎮安

山陽洵陽鄖西四縣回匪自川匪敗竄之後殺

漢民以千計燒燬民房縱橫百餘里臣查該回

匪與漢民原無嫌隙自去歲陝北叛回被官軍

擊散之後餘黨逃至該處遂連爲一氣屢撫屢

叛其爲首者爲胡正滿馬興魁馬金成諸逆脅

從三千餘人盤踞宋家寨其地處萬山之中天險陡絕以爲負嵎抗拒之計臣於本月初二日由鎮安米糧川進兵並於程家川左右要道豫設伏兵數百名復派本處鄉民之素識胡正滿者作爲眼線隨同官兵於南溝口一帶擇開道埋伏以杜該逆他竄逆首胡正滿因官軍合圍於初三日夜率衆百餘欲赴洵陽所屬之陽山

平定回疆方略卷三十六

九

觀一帶號召各回民潛劫官軍營壘適遇我軍伏兵盡出殺斃回匪數十名並將胡正滿當時擒獲解赴臣營訊明正法初四日馬興魁等因胡正滿被擒抵死出戰勢甚兇猛經遊擊金啟安等奮力夾擊生擒馬興魁陣斬馬金成殺斃回衆二百餘名遂於初五日進攻賊寨該逆居高擊下礮石如雨我軍蒙盾而上奮力猛攻直

抵山頭火焚逆巢回衆悚懼出寨乞降寨中男婦共有二千餘人臣本欲全數勦洗惟因附近各處回民分居洞寨誠恐未知其詳激則同變轉難撲滅非撫勦並行不能藏事因准投降傳諭專誅首惡飭令將首先滋事回匪概行縛獻初六日該回衆將逆賊石文愷班金彩胡廷雲等十餘人全數獻赴軍營逐一正法繳出槍礮

平定回疆方略卷三十六

三

百餘件遂毀其寨傳回衆千餘人下山諭以恩威羅拜感泣悉皆無復異志此外紅巖石井子一帶回洞羅列地極險峻臣於初八初九等日親至各處撫循均知感畏共獻出槍礮二百餘件臣於回衆中擇其精壯狡捷者數百名立爲隨軍歸化營隨臣攻勦旣收其搏噬之用亦可就近鈴束俾免滋事惟鎮安洵陽交界之陽山

毗連四縣周圍數百里山深路險最易藏奸臣

擬會商陝西撫臣劉蓉於東茅坪一帶添設千

把總汛官一二員彈壓回漢兼管緝捕事宜以

爲久遠救安之計所有此次出力各員容臣附

案酌量保獎奏入

上命議政王軍機大臣傳諭李雲麟曰鎮安山陽洵陽等縣交界回匪滋擾肆行焚殺經該京堂督兵檢獲

平定回疆方略卷三十六

三

首匪餘衆繳械乞降分別安撫著准其將此次出力

員弁附案擇尤酌量保奏毋許冒濫新立之歸化一

營仍應隨時防範勿稍疏虞

欽定平定陝甘新疆回匪方略卷五十七 癸亥年

十一月二十四日丁卯慶昫常陞奏言甯夏縣回

民馬萬選赫壯圖等以道員侯雲登等暗遣漢

團數千殺害回民等詞疊次具稟均經詳晰批

示董面加開導以義理與之剖論該回衆輒敢

糾衆入城將侯雲登殺害復於十一月初二日

黎明圍撲城垣登梯而上逆回數百人入城放

平定回疆方略卷三十七

火幸八旗官兵有備槍礮齊施刻卽攻退計逆

回死傷約有百餘名奪獲刀矛槍械數十件鎗

丸火藥數百斤正藍旗二牛彖佐領海那阿禦

賊受傷登時身死致仕驍騎校雅爾杭阿同時

殉難正白旗頭牛彖佐領薩英額驍騎校依勒

哈春均力戰受傷除一面率領圍城員弁盡力

防守外惟有仰懇

聖恩俯念孤城危急迅飭熙麟恩麟設法援救先分東

面賊勢仍請

飭下阿拉善旗認真嚴防杜賊出邊滋擾並請先於鄰

近之處籌兵若干令其自帶餉糈及軍火器械

由草地速來以助防剿刻下滿城旗戶因餉需

不繼每月餓斃者至二百餘名之多懇

恩催令解餉省分日夜進行但能早到一日則人民可

平定回疆方略卷三十七

二

望生活城池方能固守現值飢寒交迫自應設

法激勵惟有籲懇

天恩准臣填寫頂翎功牌隨時分別賞給俾資獎勵

同日雷正綰奏言自涇州解圍後忽有大股馬

步賊匪分三路前來一由平涼中原一由北原

一由王村大路直撲我營當即傳令出六成隊

伍一面度地設伏斷賊後路臣親率精銳一鼓

直前槍礮齊施賊猶勉強支持且退且拒突遇

伏兵四起自相踐踏尸骸狼籍我軍乘勝直追

至二十里鋪斬馘數百生擒五十八名奪獲贏

馬器械無算忽於初十日接准熙麟咨稱甯夏

靈州相繼失守賊勢猖獗查甯夏爲邊防重鎮

西達蘭州涼州東與陝省之定邊再東與山西

之朔平綏遠歸化等處相連甯靈一失三省大

平定回疆方略卷三十七

三

局攸關賊若東竄則山陝兼受其害西竄則蘭

省甚屬堪虞甘省逆勢甚衆兵力又單現自涇

州平涼固原鹽茶以及甯夏靈州千二百餘里

賊巢林立臣取道赴涇已繞出賊前涇州城圍

雖解而該州西南之陝西汧隴麟遊正西之靈

臺崇信西北之鎮原等處均係毗連臣所帶只

此十營礙難分撥深恐顧此失彼貽誤非輕現